

Siunnersummut oqaaseqaatit**Nalinginnaasumik oqaaseqaatit****1. Aallarniut**

Piffissami matumani aaqqissuussaasumik suliffinnik inuttaligassanik neqeroorfiusumik, atorfinnik inuttaligassanik tamakkiisumik tamanik takussutissiinermik sulisartut suliffissarsiuussisarfinnilu sulianik isumaginnittut pissarsisinnaaffiannik, sulisitsisullu suliffinnik inuttaligassanik saqqummiussisinnaaffiannik imaluunniit sulisunik suliffeqanngitsunik piginnaasalinnik ujartuisinnaaffiannik internetimi suliffinnut nittartakkamik Kalaallit Nunaat peqanngilaq.

Suliaqartut arlallit internetti aqqutigalugu suliffinnik inuttaligassanik saqqummiussaqartarput, amerlanerpaat suliffeqarfiusumi annikinnerusumut immikkut sammisaqlutik, soorlu qaffasissumik ilinniagalinnut, peqqinnissaqarfimmut imaluunniit Danmarkimi suliffissarsiortnut saaffiginnittunik atorfinnik.

Tamakku killiliissutinik arlalinnik nassataqarput, suliffinnik inuttaligassanik saqqummiussinerit paasiuminaannerulerput, najugaqavissutullu suliffissarsiortut aamma naalagaaffigisami suliffeqarfinni suliffiit inuttaligassat akornanni tlluarsaalluarnissaq akimmisaartinneqarpoq. Kikkut tamarmik takusinnaasaattut suliffinnik inuttaligassanik saqqummiussanik amigaateqarnerup suliffissaaleqisut akornanni nuttarqarsinnaanera annikillisarppaa, tamatumalu saniatigut nunami Suliffissarsiuussisarfinni sulisut naalagaaffigisamut tunngasumut suliffissaaleqisut suliffeqarfimmut attaveqalersinniarlugit ikioriiniarnerminni sakkussaqanngillat. Aammattaaq suliffiit nunap avataaneersunut sulisartunut neqeroorutigineri *sioqqullugit* suliffiit inuttaligassat najugaqavissunut suliffissaaleqisunut naammattunut takuneqarsinnaasunngorlugit piviusutut saqqummiunneqarnissaasa isumannaarnissaannut oqartussaasut periarfissalupput. Tamakku kinguneraat nunani allani suliffeqarfiit suliniutinut angisuunut sulisartunik najugaqavissunik atorfinitssinissamut periarfissanik misissuinissaminnut periarfissaasa killeqarnerannik.

Aammalu maannakkut suliffeqartitsinermut periarfissanik toqqaannartumik ataqtigiissillugit suliffinnik ujartuineq pillugu ilisimasanik saqqummiussisoqarsinnaanngilaq, taamatullu piginnaanngorsaasutut pikkorissarnernik periarfissanik, nuttarnerulersitsiniarluni ikioriissutinik il.il.

Suliffissaaleqisunut ullumikkut kommunini Suliffissarsiuussisarfiit attaveqarnernik tamanik isumaginnippuit, ilaatigut iliuusissatut pilersaarusiortarlutik, 'naqitsisarneq' isumagisarlugu, aammalu suliffeqarfinnit saaffiginnittunit suliffinnik innersuussisarlutik. Naqitsineq tassaavoq

suliffissaleqisup suliffissaaleqiuarnera tunngavigalugu pisortanit ikiorserneqarnissamik imaluunniit suliffissaaleqinermi ikorsiissutisinissamik pisariaqartitsiuarneranik nalunaarsuisarneq. Suliffinnik nalunaarsuisarfiup amigaataanera pissutigalugu nammineq iliuuseqarluni suliffissarsiortoqarsinnaananilu suliffissaaleqisup sulisitsisullu akornanni attaveqartoqanngilaq, taakku sioqqutsisumik imminnut immikkut ittumik nalunngereersuunngippata.

Nuna tamakkerlugu suliffinnut nittartagaq saqqummiunneqartussaammat siunnersuut saqqummiunneqarpoq, aammalu aallartisarnerminiilli suliffissarsiortunut suliffinnik innersuussisarnermut atuilernissaq, nunatsinnilu suliffeqarfimmik tamarmiusumik tapersersuisitsinissaq, taamaalilluni Kalaallit Nunaanni suliffissaaleqinermik, sulisartullu ilinniarsimanngitsut nunanit allaneersut amerlassusaannik annikillisaanissaq isumannaarniarlugit.

Suliffinnut nittartakkap atornissaanut Naalakkersuisut malittarisassianik aalajangersaasuullutillu tassuma naleqqussagaasarneranik isumaginnittuupput.

Suliffinnut nittartagaq pilersinneqarpat Kalaallit Nunaanni sulisartunik tikisitaqartarnerup inatsisiliornera pillugu Inatsisartut inatsisaannik nalunaarutaanillu allannguuteqarnissamut siunnersuutinik saqqummiussaqarnissaminnut Naalakkersuisut siunertaqarput, taamaalilluni suliffinnut nittartakkami suliffimmik inuttaligassamik sulisitsisup saqqummiussinera tassaassalluni atorfimmik kalaallimik sulisartumik inuttaliisinnaannginneranut sulisitsisup upfernarsaanissaanut piumasaqaat.

2. Siunnersummi immikkoortut pingaarcerit

1) Inatsisaasut atuuttut

Suliassaqarfimmi inatsisaasut atuuttut tassaapput Suliffeqarnermi innersuussisarneq pillugu Inatsisartut inatsisaat nr. 5, 8. juni 2014-imeersoq. Inatsisartut inatsisaanni § 10-mi allassimavoq Naalakkersuisut nuna tamakkerlugu suliffit inuttaligassat nalunaarsugaaffiannik pilersitsisinnaasut.

2) Siunnersuut

Suliffinnut nittartakkap atornissaanut siunnersuut pingaarcerusutut malittarisassianik aalajangersaavoq.

Inatsisissatut siunnersuut inatsisinut atuuttunut naleqqiullugu	
<i>Oqaasertaliineq atuuttoq</i>	<i>Inatsisissatut siunnersuut</i>
	§ 1

	Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imi makkuninnga allannguuteqassaaq:
<p>§ 10. Naalakkersuisut nuna tamakkerlugu suliffisanik nalunaarsuivimmik pilersitsisinnaapput, suliffisanik neqeroorutit, suliffissaaleqinermik allaffissornikkut aqutsinerup aammalu kisitsisitigut paassisutissiornistat nalilersuillunilu misissueqqissaarnissat siunertaralugit tunngaviusumik paassisutissat katersorneqarfingisinnasaannik suliareqqinneqarfingisinnasaannillu.</p> <p><i>Imm. 2.</i> Naalakkersuisut imm. 1 malillugu suliffisanik nalunaarsuiffiup pilersinneqarnissaa pillugu malittarisassanik aalajangersaasinnaapput, taamatuttaaq suliffisanik nalunaarsuiffiup atornissaanut kommunalbestyrelsip pisussaaffii pillugit malittarisassaliorsinnaallutik.</p>	<p>1. § 10 imatut oqaasertalerneqassaaq:</p> <p>“§ 10 Suliffissarsiortunik aamma suliffinnik neqeroorutinik nalunaarsuinermut aqutsinermullu Naalakkersuisut nuna tamakkerlugu suliffinnut nittartakkamik pilersitsisinnaapput.</p> <p><i>Imm. 2.</i> Kommunalbestyrelsip Kalaallit Nunaanni suliffinnik inuttaligassanik tamakkerlugin isiginninniarlutik suliffinnut nittartagaq atussavaa, suliffissarsiortunullu suliffiit innersuussissutigissallugit.</p> <p><i>Imm. 3.</i> Suliffissarsiortup suliffinnut nittartakkamut CV-ni inississavaa. Suliffinnut nittartakkap atorneqarneranik kommunalbestyrelse iltsersuissaaq, aammalu suliffissarsiortoq nammineq pisinnaanngippat suliffissarsiortup CV-a suliffinnut nittartakkamut inississallugu.</p> <p><i>Imm. 4.</i> Suliffissarsiortup suliffinnut nittartakkami CV-ni nutarsartuartassavaa.</p> <p><i>Imm. 5.</i> Suliffinnut nittartakkamut tamanik takussutissiisumik CV-mik inissiinissaq suliffissarsiortuusutut aamma suliffeqarfimmut piareersimasuusutut isigineqarnissamut piumasaqaataavoq.”</p>
	<p>§ 2</p> <p>Inatsisartut inatsisaat 15. juli 2015-imi atuutilerpoq.</p>

3. Pisortanut aningaasaqarnikkut aqutsinikkullu kingunissai

2015-imut Aningaasanut Inatsisissatut Siunnersuummi 1,2 mio. koruunit aningaasaliissutissat immikkoortinnejassasut siunertaavoq. Pisortat ikorsiissutaanni sipaaruteqarnissaq

akileraarutinilu isertitat amerleriarnissaat naatsorsuutigineqarpoq, suliffit taakku sulisartunit nunanit allaneersunit inuttaligaanatik suliffit inuttaligassat kalaallinut ilinniagaqarsimannngitsunut innersuunneqarsinnaassappata.

Suliffinnut nittartagaq Kalaallit Nunaanni suliffeqarfimmik ingerlalluarnerusumik nassataqartitsissasoq, taamaalillunilu pisortanut ilorraap tungaanut aningaasatigut isertitaqartitsissasoq naatsorsuutigineqarpoq. Akileraarutini isertitatut ilusilinnik annertunerusumik isertitaqartitsisoqassasoq aammalu pisortat ikorsiissutaanni sipaaruteqartoqassasoq naatsorsuutigineqarsinnaavoq.
Kommunit suleriaatsiminni allannguiteqarneq misigissavaat, allattoqarfimminnili akitsuineq misigissanagu.

4. Inuussutissarsiorfimmut aningaasaqarnikkut aqtsinikkullu kingunissai

Inuussutissarsiorfimmut siunnersuut toqqaannartuunngitsumik kinguneqassaaq, suliffinnut nittartakkami suliffissarsiortut tamarmik CV-minnik inissiisimalerpata suliffissaaleqisunik sulisitsisut pisariunnginnerusumik tamanik isiginnilersinnaassammata. Taamaattorli siunnersummi inuussutissarsiorfiusumut piumasaqaateqartoqanngilaq, taamaalillunilu inuussutissarsiorfimmut aningaasaqarnikkut imaluunniit aqtsinikkut kingunissaqarani. Suliffinnut nittartakkap nutaap sulinnik inuttaligassanik saqqummiussinermi niuerfiusumik annikillisaassanngitsoq naliliiffigineqarpoq, tusagassiorfinni namminersortuni atorfinnik inuttassarsiorluni saqqummiussanik itisiliisunik suli pisariaqartitsisoqassasoq naatsorsuutigineqarmat.

5. Avatangiisinut, pinngortitamut inuillu peqqissusaannut kingunissat

Siunnersuut avatangiisinut, pinngortitamut imaluunniit inuit peqqissusaannut kingunissaqanngilaq.

6. Innuttaasunut kingunissat

Sulisitsisut pisariunnginnerusumik nassaarinnissinnaalerneisigut innuttaasunut, taakkulu suliffeqarfimmut isernissaannut imaluunniit uteqqinnissaannut periarfissanut ilorraap tungaanut kingunissaqassasutut siunnersuut naatsorsuutigineqarpoq.

7. Kingunissat allat pingaarutillit

Siunnersuut Naalagaaffeqatigiinnermut attaveqarneq siunneqarfiginngilaa, aammalu annertunerusumik namminersulersitseqataanani.

8. Oqartussaasuni kattuffinnilu tusarniaanerit

Siunnersuut piffissami 10. juni 2014-imit 15. august 2014-imut makkununnga tusarniaassutaasimavoq:

Namminersorlutik Oqartussani naalakkersuisoqarfii, Kalaallit Nunaanni Sulisitsisut Peqatigiiffiat, NUSUKA, SIK, KANUKOKA, Kommuneqarfik Sermersooq, Qaasuitsup Kommunia, Qeqqata Kommunia, Kommune Kujalleq, IMAK aamma PIP.

Taamattaaq siunnersuut Namminersorlutik Oqartussat tusarniaanermi nittartagaatigut innuttaasunut tusarniaassutaasimavoq.

Tusarniaanermi akissutit makkunannga pissarsiarineqarsimapput:
Kalaallit Nunaanni Sulisitsisut Peqatigiiffiat, PIP, Kommuneqarfik Sermersooq, Kommune Kujalleq, IMAK aamma KANUKOKA.

Tullinnguuttumi tusarniaanermut akissutit, aammalu tusarniaanerup nalaani allannguutissatut siunnersuutit suliarineqarput. Tusarniaanermut akissutit uingasunik naqinnilikat pingaarnersiuilluni naliliisoqarnera tunngavigalugu pingaernerusortaat ilanngunneqartuunerat oqaatigineqassaaq.

Tusarniaanermut akissutit tamarmiutillugit Inatsisartuni ataatsimiititaliamut suliarinnittuusumut ilanngussatut nassiunneqarput.

Kalaallit Nunaanni Sulisitsisut Peqatigiiffiat inatsisissatut siunnersuummut oqaaseqaatissaqanngillaq. Taamaattorli suliffissarsiuussisarfii namminersortutut neqerooruteqartartunut suliffinnut nittartakkap unammillertuusariaqannginnera Kalaallit Nunaanni Sulisitsisut Peqatigiiffiata uparuarpaa.

Atorfinnik inuttaligassanik saqqummiussat sulianik aalajangersimasunik sulisartunut pingaarutilinnut qinnutigisaq saaffeqartinniarlugu tusagassiorfinni namminersortuni saqqummiunneqartarnissaat nalilerneqarpoq. Suliffinnut nittartakkap pingarnertut siunertaraa kommunini suliffinnik innersuussiviit atorfinnut inuttaligassanut sulisartunik naleqquttunik innersuussinissamut periarfissaannik nukittorsaanissaq. Tamatuma ilaatigut nunanit allanit sulisartunik pisariaqartitsineq annikillisarsinnaavaa.

PIP inatsisissatut siunnersuummut oqaaseqaateqanngilaq.

Kommuneqarfik Sermersooq nalinginnaasumik inatsisissatut siunnersuummut iluarisimaarinnippuit, nunatsinnili suliffissarsiuussisarfinni danskinilu suliffinnik innersuussisarfinni suliassat isumalluutillu pigisaasut assigiinngitsuunerat sianigineqassasoq uparuatigalugu.

Inatsisissamut oqaaseqaatini sulisartunik tikisitsisarnermut inatsit malillugu suliffinnut nittartakkami sulisitsisup inuttassarsiornera atorfimmik kalaallimik sulisartumik inuttalersinnaannginneranik sulisitsisup uppernarsaanissaanut piumasaqaataassasoq inatsimmut oqaaseqaatini taaneqartoq Kommuneqarfik Sermersuup oqaatigaa. Inatsisitigut tunngavissaqannginneq pissutigalugu sulianik isumaginnittuni ataasiakkaanik paasinninnernut assigiinngitsunut nalunaarsugaasoq tunngavissiisinnaasoq Kommuneqarfik Sermersuup oqaatigaa.

Suliffinnut nittartakkap pilersereerneratigut Kalaallit Nunaanni sulisartunik tikisitsisarnerup inatsisiliornera pillugu Inatsisartut inatsisaata nalunaarutaatalu allanngortinnissaannut siunnersummik saqqummiussaqarnissamut Naalakkersuisut siunertaqartut oqaaseqaatini ilanngunneqartoq tassunga oqaatigineqassaaq, taamaallilluni sulisitsisup suliffinnut nittartakkami suliffimmik inuttaligassamik saqqummiussinera tassaassalluni suliffimmik sulisartumik kalaallimik inuttalersinnaasimanginneranut sulisitsisup uppernarsaasinnaaneranut piumasqaat.

Taamaallilluni allannguutip inatsisitigut najoqquṭassamik pisariaqartitamik nassataqarnissaa naliliiffigineqarpoq.

Aammattaaq CV-liornerit kommunimut isumalluutinik pisariaqartitsissasut Kommuneqarfik Sermersuup oqaatigaa, taamaattumillu atuutsitsilernерup nalaani sulisunut immikkut aningaasatigut isumalluutissanik immikkoortitsisoqassasoq qinnutigalugu, kiisalu suliffissaaleqisunut CV-liornermik pikkorissartitsisoqarnissaanut immikkut aningaasanik isumalluutissanik immikkoortitseqqusilluni.

Kommune suleriaatsit allanngortitarinernik misigisaqassasoq, allaffisornerminili akitsuinermik misigisaqassanngitsoq oqaaseqaatini allassimasoq tassunga oqaatigineqassaaq. Taamatuttaaq oqaatigineqassaaq suliffissarsiortunut CV-liornermik pikkorissartitsisoqarnissaq siunertarineqanngitsoq, kommunili suliffissarsiortunut namminneq taamatut suliaqarsinnaanngitsunut CV-liornermik immersuinermi ikorsiisassasoq.

Kommune Kujalleq nalinginnarmik siunnersuummut iluarinnippoq, suliffissarsiortunullu iluaqutaasussamik sunniuteqarluarnerusumik suliamik isumaginnittarnermik, kiisalu takunnissinnaanerunermik ataqtigiiisaarinerunermillu siunnersuutip nassataqarnissaa naliliiffigalugu. Siunnersuummit aningaasaqarnikkut allattoqarnikkullu kingunerisinnaasanik naatsorsuuteqartoqartariaqartoq Kommune Kujalleq naliliivoq, kommuninullu tapiissutinik annertunerusunik pisariaqartitsisoqarnissaa naliliiffigalugu.

Tassunga oqaatigineqassaaq oqaaseqaatini allassimammat kommunit suleriaatsiminni allannguiteqarneq misigissagaat, allattoqarfimminnili akitsuineq misigissanagu.

KANUKOKA nalinginnarmik siunnersuummut iluarinnippoq. Taamaattorli tamakkiisumik imalimmik CV-qarnerup suliffissarsiortup suliffissarsiortutut isigineqarsinnaaneranut piumasqaataanissaa KANUKOKA-p nangaanartoqartippaa, suliffissaaleqisutut taaguutigisartagaq nassuiardeqarluartutut taaguutaannginneranik KANUKOKA isumaqarami.

Tassunga oqaatigineqassaaq suliffissarsiortoq naqitsivigitinniarluni suliffissarsiussisarfimmut saaffiginnikaangat immersugassaq assigiissagaq immersorneqarsinnaasoq atorneqarsinnaasoq. Suliffissarsiussisarfiiit suliffissarsiortup CV-minik immersuineranik isumannaarinissamut ikuussinnaavoq, taassuminngalu suliffinnut nittartakkamut inissiisissinnaallugu. Ullumikkut suliffissaalequarneq tunngavigalugu suliffissaaleqisup pisortanit ikorsiisutinik imaluunniit suliffissaaleqinermi ikorsiisutinik pisariaqartitsiuarneranut naqtsisarneq nalunaarsuutaavoq. CV-mik immersugassamut

nalunaarutinik tunniussaqarneq nalinginnaasumik suliffissaaleqisutut siullermik nalunaaruteqarnermut atatillugu pisassaaq, taamaalillunilu ullumikkut pisortanit ikiorsiissutisiniarluni nalunaarsuisarnermut pisusissamisoortutut ilaassalluni.

Suliffissarsiortup CV-anik suliffinnut nittartakkamut inissiisoqanngippat suliffinnut nittartakkamut siunertaq pingaaruteqartupilussuaq annaaneqassaaq. Suliffinnut nittartakkamut pingaarutilittut siunertat ilaat tassaavoq suliffinnut inuttaligassanut suliffissarsiortut tulluarsagaanissaannut suliffissarsiuussisarfiit sakkussamik sunniuteqarluartumik pissarsinissaannik isumannaarinissaq. Tamanna pisinnaassanngilaq suliffissarsiortut amerlasuut suliffinnut nittartakkamut nalunaarsugaanngippata, tamatumalu aamma nunanit allanit sulisartut ikilinnissaannik anguniagaq ajornakusoortissavaa.

Aalajangersakkap maalaaruteqartarnermut agguataarineq allanngortitaqarfinginngilaa, taamaattumillu pisortat ikiorsiissutaat pillugit inatsisaasunut aammalu suliffissaaleqinermi ikiorsiissutit pillugit Inatsisartut inatsisaannut tunngatillugu aalajangiinernut tunngatillugu naammagittaalliuutinut oqartussaasoq tassaavoq Isumaginninnermi Naammagittaalliuuteqartarfik, aammalu suliffeqarnermi innersuussisarneq il.il. pillugit Inatsisartut inatsisaannut tunngatillugu aalajangiinernut tunngatillugu Naalakkersuisut tassaapput maalaaruteqartarnermut oqartussaasut.

Aammattaaq tapiissutaasartut aqqutigalugit aningaasaqarnikkut kingunissaasinnaasut taarsiivigineqarnissaat KANUKOKA-p naatsorsuutigaa, naalagaaffigisamilu suliffinnut nittartakkap ineriartortinnissaanut atatillugu erseqqinnerusumik piumasaqaataasut periarfissallu pillugit oqaloqateqartarnissat KANUKOKA-p qilanaarai.

Tassunga oqaatigineqassaaq kommunit suleriaatsiminni allannguuteqarneq misigissagaat, allattoqarfimminnili akitsuineq misigissanagu.

IMAK siunnersuummut oqaaseqaatissaqanngilaq.

Inatsisissatut siunnersuummi aalajangersakkanut ataasiakkaanut oqaaseqqaatit

§ 1-imut

Nr. 1-imut (§ 10, imm. 1)

Suliffinnut nittartakkap siunertaa tassaavoq Kalaallit Nunaanni naalagaaffigisami suliffinnik niuerfiusumik pitsangorsaaneq aammalu suliffissaaleqinerup annikillisarnissaa. Suliffinnut nittartakkap atorfii, nunami maani suliffissarsiortunik piginnaanilinnik peqaraluartoq nunanit allanit sulisartunik inuttaligaanissaat pinaveersissavaa.

Suliffissarsiortunik, suliffinnillu inuttaligassanik nalunaarsuinernik suliffinnut nittartagaq sakkuussaaq, suliffinnullu nittartagaq tunngavigisanik paasissutissanik aamma pitsangorsaanermut atugassanik naatsorsueqqissaarinernik tigusaqartarnissamut periarfissiivoq.

Nr. 1-imut (§ 10, imm. 2)

Suliffinnut nittartakkap Kalaallit Nunaanni tamarmi suliffinnik innersuussisarnermut ilaliullugu atorneqartarnissaanut, aammalu sulisitsisut sulisartullu akornanni attaveqarnermik pilersitsinissaanut aalajangersagaq isumannaarissaaq. Kalaallit Nunaat suliffeqarfittut ataatsimoortitatut isigineqassaaq, taamaattumik suliffinnik innersuussisarneq najugaqarfimmi suliffissaannarnut naleqqiullugu innersuussinerusariaqaran.

Nr. 1-imut (§ 10, imm. 3)

Suliffissarsiortut suliffinnut nittartakkami CV-minnik inissiinissaannik aalajangersagaq peqqusivoq. Suliffissarsiortup suliffinnut nittartakkami CV-qarnissaanik sullississutinik assigiinngitsunik akiliisarnissamut tunngaviulersillugu inatsisini allani aalajangersakkap malitseqartinnissaa naatsorsuutigineqarpoq. Suliffissarsiortup suliffinnut nittartakkami CV-minnik nammineq inissiisinnaanngippat communalbestyrelsip qanoq iliortoqartarnera suliffissarsiortumut ilitsersuutigissavaat, naggataatigullu suliffissarsiortup ilitsersorneqareernermini pisinnaassannginnerani CV-mik inissiissallutik.

Nr. 1-imut (§ 10, imm. 4)

Suliffinnut nittartakkami suliffissarsiortup CV-utaata tamatigut nutarterneqartuarsimanissaanik aalajangersagaq isumannaarissaaq. Taamaalilluni pingaaruteqassappat CV-mi allannguutit ilanngussornissai suliffissarsiortup pisussaaffigaa. Taamaalillutik suliffimmut inuttaligassamut inuttassamik eqqortumik innersuussinissaminut kommunini suliffinnik innersuussisarfiit nassaarniarluarnerusinnaalissapput.

Nr. 1-imut (§ 10, imm. 5)

Suliffissarsiortunut sulisinnaassusilinnullu ikorsiissutinik assigiinngitsunik akiliisarnermut suliaqarfiusumi suliassanik takkuttussanik aalajangersagaq tapersersuissaq, taamaalilluni suliffeqarfimmut isernissamut imaluunniit uteqqinnissamut suliffissaaleqisut aamma sulisinnaassusillit peqataaqataanissaannut pisussaaffeqassalluni, aammalu assersuutigalugu suliffissaaleqinermi aamma pisortanit ikorsiissutitut ittunik ikorsiissutinik assigiinngitsunik pissarsisinnaanissamut tamanna piumasaqaataalersissallugu.

Suliffissaaleqinermi ikorsiissutit pillugit Inatsisartut inatsisaanni aamma pisortanit ikorsiissutit pillugit Inatsisartut peqqussutaanni piareersimasuunissamik piumasaqaammik aalajangersagaq ilassuteqarpoq.

Suliffissariussarfimmi naqtsisitsiniarluni suliffissarsiortoq saaffiginnikaangat assigiaartitamik immersugassamik immersorneqarsinnaasumik atuisoqarsinnaavoq. Suliffissariussarfiiit suliffissarsiortup CV-minik immersuinissaata isumannaarnissaanut isumaginnissinnaapput, taannalu suliffinnut nittartakkamut inissitsissinnaallugu. Suliffissaaleqisut tulluartussarsiuussassani 2-imi aamma 3-mi inissisimasut suliffinnut nittartakkamut CV-iminnik ikkussigunik, taakkua suliffissarsiortuunngitsutut nalunaarsorneqassapput, pissutigalugu taakkua sulilernissamut piareersimasutut nalilerneqannginnamik. Tulluartussarsiuussassani 2-imi aamma 3-imi inissisimasunut taamaalilluni CV nalunaarsuinertut atuutissaq.

Aalajangersakkap maalaaruteqartarnermut agguataarineq allannortitaqarfiginngila, taamaattumillu pisortat ikorsiissutaat pillugit inatsisaasunut aammalu suliffissaaleqinermi ikorsiissutit pillugit Inatsisartut inatsisaannut tunngatillugu aalajangiinernut tunngatillugu naammagittaalliuutinut oqartussaasoq tassaavoq Isumaginninnermi Naammagittaalliuuteqartarfik, aammalu suliffeqarnermi innersuussisarneq il.il. pillugit Inatsisartut inatsisaannut tunngatillugu aalajangiinernut tunngatillugu Naalakkersuisut tassaapput maalaaruteqartarnermut oqartussaasut.

CV-p tamakkiisumik imallip imarissavai ateq, inummut paasissutissat, aamma attaveqarnissamut paasissutissat, taamaalillutik kommunalbestyrelsip sulisitsisoriligassallu suliffissaaleqisumik kinaassusersisinhaallutilu attaviginnissinnaalissammata. CV-p tamakkiisumik imallip aamma imarissavai ilinniagarisimasanut paasissutissat, suliffeqarnermit misilitakkat atorfigiligassamullu kissaatigisat, taamaalillutik kommunalbestyrelse sulisitsisoriligassarlu suliffissaaleqisup piginnaasaanik kissaatigisaanillu paasissutissanik pissarsisinnaassammata.

§ 2-mut

Imm. 1-imut

Inatsisartut inatsisaata 15. juli 2015-imi atuutilernissaa siunnersuutigineqarpoq.